

犢子經

乳光佛經

三
籍

垢賢女經

腹中女聽經

百五十九

毀六


48375

元祿元年丙子二月日重脩

皇圖聖圖 帝潛銀昌

佛日增輝 轉輪常轉

山城州天安寺法金剛院置



四經同卷

佛說犢子經

乳光佛經

無垢賢女經

腹中女聽經

佛說犢子經

吳月支優婆塞支謙

譯

聞如是一時佛在舍衛國祇桓阿那邠遲阿
藍精舍尔時佛遇風患當須牛乳時有婆羅門
大富去城不遠時佛遣阿難言汝往到婆羅
門家從乞牛乳阿難受教而往到婆羅門家
婆羅門問阿難來何所求阿難言如來向者

阿那邠遲阿

毀



小遇風患使我來乞牛乳耳婆羅門言牛在彼
間自擊取之阿難即往到牛所犉牛性常弊惡
無人能近阿難即自思惟我法不應自擊取
牛乳尔時帝釋知阿難所念即來化作婆羅
門像在牛邊立阿難往倩言婆羅門為我擊
取牛乳婆羅門言諾即前以右手捫摸牛乳
語牛言如來遇小風患汝與乳種今如來服
之羞者汝得福無量不可稱計如來者是天
上天下之大師也常以慈心憂念一切蠕動
之類欲令度脫一切苦惱牛言此手捫摸我
乳一何快耶前兩乳取去置後兩乳用遺我
子我子朝來未有所食尔時犢子在邊立住

聞有佛名即語母言持我乳分盡用與佛佛者是天上天下之大師也甚難得值我自食草飲水足得活耳何以故我先身以來常飲乳食今作畜生牛身亦復飲乳世間愚癡者甚多無量我先世時坐隨惡知識教不信佛經使我作牛作馬經十六劫而今乃得聞有佛名持我所食乳分盡用與佛滿器而去令我後世智慧聰明得道如佛阿難持乳還至佛所佛問阿難彼牛母子有何言說阿難言大可恠也牛先甚弊惡不可得近有一婆羅門爲我犂乳牛即調善子母共說佛言此牛子母先世之時不信佛經故墮牛馬中經十

六劫今乃得悟聞有佛便有我慈心以乳施
佛彼牛母子後身當爲弥勒佛作沙門弟子
得大羅漢犢子死後當爲我懸繒幡盖散華
燒香受持經戒過二十劫後當作佛名乳光
如來度脫一切佛言牛以好心善意與佛乳
故度諸苦難得無量福報以是因緣佛不可
不事經不可不讀道不可不學普告天上天
下皆悉令知

佛說犢子經

佛說乳光佛經



西晉三藏法師竺法護譯

聞如是一時佛遊維耶離梵志摩調音樂樹下與八百比丘衆千菩薩俱國王大臣人民及諸天龍鬼神共會說經時佛卅尊適小中風當得牛乳尔時維耶離國有梵志名摩耶利爲五万弟子作師復爲國王大臣人民所敬遇豪富貪嫉不信佛法不喜布施但好異道常持羅網覆蓋屋上及其中庭欲令飛鳥不侵家中穀食之故所居處去音樂園不近不遠於是佛告賢者阿難持如來名往到梵志摩耶利家從其求索牛乳種來阿難受教著衣持鉢到其門下梵志摩耶利適與五百上

足弟子欲行入宮與王相見時即出舍值遇
阿難因問言汝朝來何其早欲何所求阿難
荅曰佛出尊身小不安隱使我晨來索牛乳
種梵志摩耶利默然不報自思惟我若不持
乳種與阿難者諸人便當謂我慳惜適持乳
與諸餘梵志便復謂我事瞿曇道進退唯宜
雖尔續當拍授與弊惡牛自令阿難擊取其
乳又是瞿曇喜與我等共誣功德常欲得其
勝當使是弊惡特牛觶殺其弟子即可折辱
其道便見捐棄我可還為衆人所敬阿難得
乳若不得乳趣使諸人明我不惜為牛所殺
不能得乳我意已達於我無過梵志摩耶利

時謀議是事已。即告阿難牛朝已。放在彼壑。裏汝自往。擊取其乳。種摩耶利。勅其兒使言。汝將阿難示此牛處。慎莫爲擊取牛乳。種試知阿難能得乳。不時五百弟子聞師說。是悉大歡喜。即復共疑怪阿難向者所說事。則相謂言。寂志瞿曇常自稱譽我於天上天下最尊。悉度十方。老病死佛何因緣。自身復病也。五百梵志共說此已。

尔時維摩詰來欲至佛所道徑當過摩耶利梵志門前因見阿難即謂言何爲晨朝持鉢住此欲何求索阿難荅言如來身小中風當須牛乳故使我來到是間維摩詰則告阿難

莫作是語如來至真等正覺身若如金剛衆
惡悉已斷但有諸善功德共會當有何病默
然行勿得効外道誹謗如來慎莫復語無使
諸天龍神得聞是聲十方菩薩阿羅漢皆得
聞此言轉輪聖王法輪在前用無數德故尚
得自在何況從無央數劫布施於一切人如
來至真等正覺無量福合會成如來身阿難
莫復使外道異學梵志得聞是不順之言何
況世尊身自有病不能療愈何能救諸老病
死者如來至真等正覺是法身非是未脫之
身佛爲天上天下最尊無有病佛病已盡滅
如來身者有無數功德衆惡悉已除其病有

因緣不徒尔也阿難勿爲羞慚索種疾行慎
莫多言阿難聞此太自慚懼聞空中有聲言
是阿難如長者維摩詰所言但爲如來至真
等正覺出於世間在於五濁弊惡之世故以
是緣示現度脫一切十方貪婬瞋恚愚癡之
行故時往取乳向者維摩詰雖有是語莫復
羞慚阿難尔時大自驚怪謂爲妄聽即還思
惟言得無是如來威神感動所爲也於是五
百梵志聞空中聲所說如是即無狐疑心皆
踊躍悉發無上正真道意

尔時梵志摩耶利内外親屬及聚邑中合數
千人皆隨阿難往觀牛阿難到即住牛傍自

念言今我所事師作寂志者法不得手自擊
取牛糞也語適竟第二忉利天帝座即爲動
便從天來下化作年少梵志被服因任牛傍
阿難見之心用歡喜謂言年少梵志請取牛
糞即答阿難我非梵志是第二忉利天帝釋
也我聞如來欲得牛糞故捨處所來到此間
欲立本德故阿難言天帝位尊何能近此腥
穢之牛帝釋答曰雖我之豪何如如來尊尚
不厭倦建立功德何況小天我處無常皆當
過去今不立德食福將盡後無所怙阿難報
釋設欲爲我取牛乳者唯願用時釋應曰諾
尋即持器前至牛所時牛靜住不敢復動其

共觀者皆驚恠之年少梵志有何等急來為
瞿曇弟子而取牛糞若儻為是弊惡牛所舐
蹋死奈何不自全為寂志前取牛糞帝釋亦
時即為阿難擊取牛糞而說偈言

今佛小中風

汝與我乳糞

今佛服之羞

得福無有量

佛尊天人師

常慈心憂念

蝟飛蠕動類

皆欲令度脫

亦時犢母即為天帝釋而說偈言

此手捫摸我

何一快乃亦

取我兩乳糞

置於後餘者

當持遺我子

朝來未得飲

雖知有福多

作意當平等

亦時犢子即為天帝釋而說偈言

我從無數劫

今得聞佛聲

即言持我分

盡用奉上佛

世尊一切師

甚難得再見

我食草飲水

可自足今日

我作人已來

飲乳甚大久

及在六畜中

亦不可數

世間愚癡者

亦甚大衆多

不知作布施

後因悔無益

我乃前世時

慳貪坐抵突

復隨惡知友

不信佛經戒

使我作牛馬

至于十六劫

今乃值有佛

如病得醫藥

持我所飲乳

盡與滿鉢去

令我後智慧

得道願如佛

時天帝釋即為阿難取牛乳糞得滿鉢去阿

難得乳意甚歡喜於是梵志從聚邑中來出

觀者悉聞此牛子母所說皆共驚怪展轉相
謂言此牛屨常時弊惡人不得近今日何故
柔善乃尔想是阿難所感發耳瞿曇弟子尚
能如此何況佛功德威神變化然而我等不
信其教即時歡喜信解佛法梵志摩耶利門
室大小聚邑男女合萬餘人皆悉踊躍遠塵
離垢逮得法眼阿難持種還至佛所是時世
尊適為無數千人說法阿難即前更整衣服
長跪叉手而白佛言向者奉使詣梵志摩耶
利家索種牛之子母便作人語我聞其言大
驚怪之佛告阿難是牛子母悉說何等而汝
意疑阿難白佛此摩耶利有一牛大弊惡喜

觝躅人家中人使初不敢近主雖不得擊取
種者但令產乳是牛自產犢大且好勝於餘
犢百千倍也梵志密勅兒使制不得令為我
取種我自念言沙門法不應手自取言適竟
第二忉利天帝即來下化作年少梵志被服
因任牛邊我言倩卿擊取牛種帝釋言諾便
前取種即告牛言今世尊小中風當用種汝
與如來種者得福無量於是牛語答帝釋言
取我兩乳置兩乳種以遺我子犢在母邊聞
世尊名心大歡喜便語母言持我乳分盡用
上佛如來世尊天人所師甚難得值我作人
時飲乳大久作畜生時亦復如是世間愚癡

者甚大多不知布施後世當得其福我乃前世坐隨惡友不信經道喜行牴突是故使我墮牛馬中十六劫乃得聞佛聲悉持餘乳用上如來願後智慧得道如佛牛母犢子說事如是

佛告阿難實如牛子母所說佛言諦聽我之所言此牛子母乃昔宿命時曾為長者大富樂饒財寶復慳貪不肯布施不信佛經戒不知生死本常喜出錢財在外人來從舉息錢日月適至喜多債息無有道理既償錢畢復謾抵人言其未畢但坐是故墮畜生中十六劫今聞我名歡喜者何畜生之罪亦當畢是

故聞佛聲便有慈心以錘與佛用此因緣當
得解脫佛亦時笑五色光從口出天地為大
震動光照十方還繞身三帀分為兩分一分
入齋中一分從頂入便不復現於是阿難即
前長跪叉手白佛言佛不妄笑會當有緣佛
告阿難汝所問者大善何以故此牛子母却
後命盡七返生兜術天及梵天上七返生世
間當為豪富家作子終不生三惡道所在常
當通識宿命當供養諸佛為懸幡散華燒
香受持經法牛母從是因緣最後當值見彌
勒佛作沙門精進不久當得羅漢道犢子亦
當如是上下二十劫竟當得作佛號曰乳光

國土當名幢幡光明乳光如來得作佛時當
度天上天下萬民及蝸飛蠕動之類其數當
如恒沙數尔時國中人民皆壽七千歲被服
飲食譬如北方尊上天下佛在世間教授四
萬歲般泥洹後經法住止萬歲乃盡佛告阿
難牛之子母以好心善意布施與如來乳種
俱得度脫如畜生尚有善心何況作人六情
完具能別知好醜而不信明生所從來死所
趣向復不知佛經戒不信布施後世當得其
福人但坐慳貪故還自欺身心念惡口言惡
身行惡愚癡之人皆由是故不得解脫佛說
經已會中五百長者子悉發無上正真道意

三千八百梵志本不信佛法聞經踊躍歡喜
應時得須陀洹道五百人本不信生死罪福
見佛變化悉受五戒為清信士佛說經已比
丘衆長者梵志人民皆大歡喜稽首佛足而
退

佛說乳光佛經

無垢賢女經

西晉三藏法師

竺法護譯

聞如是一時佛在羅閱祇耆閣崛山中與諸
菩薩大弟子學士學女諸天人民阿須倫鬼
神龍無央數共會時佛說經尔時會中有長
者梵志名曰須檀有婦名捍樓延與九百七

十五億婦人俱叉手聽經時押樓懷妊是女
在母胎中形體盡具亦於胎中叉手聽經賢
者阿那律自以功德徹視之力見此女子於
胞胎中叉手聽經即自念言想在會者目之
所覩未能探察無形之事如我者也則自僥
倖光色踰悅佛告阿那律汝見何等心色悅
異乃如是也阿那律言我以徹視見胎中女
叉手聽經是以熙怡用自慶耳
佛言善哉善哉如汝所言譬如衆星比日月
光寧爲等不汝於聲聞所見第一無逮汝者
如來所觀等見十方飛鳥走獸地中諸虫皆
有懷妊子於胎中亦悉如汝一等聽經時阿

那律及諸會者咸有疑意佛放光明徹照無極
八方上下無所罣礙令無數刹人物所有譬
如照鏡表裏相見阿那律等仰視虛空見飛
鳥類停翼徘徊聽佛所說胎中之卵未生未
孚於鳥胎中亦復舒翅布翼聽經俯視走獸
四足之類輟草止水竦立聽經胞胎所懷亦
於胎中屈前兩足一心聽經虫蛇蚰蚓地生
之類靜身不搖精意聽經中有懷妊子未產
生者亦於胎中舉頭槃身一心聽經

時阿那律承佛威神以八種音問胎中女鳥
卵虫獸胎中之子用何等故叉手舒翼屈足
槃身一心聽經時女之等諸在胎者答阿那

律我用一切生者之類迷於五處不識正道
是故聽經及用一切多婬怒癡生死不絕是
故聽經用一切人不孝父母不供事佛及比
丘僧是故聽經時阿那律聞其所說長跪白
佛憶知世尊功德威神洞徹如此我寧以身
陷在地獄受衆苦毒累劫無數不取羅漢所
以者何諸在胞胎未見身者尚發大意念救
一切我今用身以死畏故爲想識所縛譬如
死人無益生者

時女乃生從右脇出三千國土爲大震動有
無數天止在虛空雨於天華作諸音樂則有
自然千葉蓮華大如車輪莖如瑠璃女坐其

上時諸天人飛鳥走獸虫虵蚯蚓諸懷妊者亦皆出生譬如王者征行之時群官大小莫不隨從於是天帝即持天衣從上來下以用與女裸形可惡取此衣著忉利天子及諸王女亦皆持衣與諸衆生時女報言其有未脫欲泥洹吾等不從有所受也卿爲羅漢我志菩薩卿非我類所願不同天帝復言我以女身裸露可惡是以持衣用相與耳女復報言於大乘法無男無女我今當有自然衣來佛語天帝如是不爲在校女身發菩薩心自致相好所現無限乃爲在校菩薩身耳時舍利弗深怪此女變動乃尔前白佛言此

女從何國來到是問乎誰當送衣佛言是女
從東南方柁樓延法習佛所來刹名閻浮檀
國去此十萬佛刹女從本國來欲見佛自當
有衣從本國來衣便自然在空中來肅肅有
聲空中有音則語女言可著此衣當得五通
又女本國人盡得五通女得衣者便從華上
下至佛所女一舉足天地即爲六反震動一
切母人皆發無上平等度意飛鳥虫獸莫不
轉身即化爲人身衣天衣珠瓔服飾女以頭
面稽首佛足三言南無三耶三佛長跪白佛
願爲一切諸來會者廣說經法令得所願佛
隨其意即爲說經

是時此女及九百七十五億母人聞佛所說
踊躍歡喜不復賀身便立佛前化成男子各
各脫瓔珞珠寶用散佛上佛之威神令其所
散自然變成珠交露帳中有七寶師子之座
上有坐佛舉手讚之應時皆得阿惟越致鳥
獸虫蛇得爲人者亦復脫身珠瓔寶飾以用
散佛帳中坐佛令其所散合成寶帳亦復如
前等無差特則爲達親俱得七任佛告女菩
薩無垢賢女汝於胞胎爲衆生作唱導如來
等正覺亦於五道爲一切衆生作唱導佛說
經已一切衆會皆大歡喜稽首而退

無垢賢女經



腹中女聽經

涼天竺三藏法師曇無讖譯

佛在羅閱祇與諸菩薩比丘僧比丘尼優婆塞優婆夷及諸天人人民無央數共會聽佛說經時會中有迦羅婦懷妊在座腹中子叉手聽經佛欲使衆會見之便現大光明照迦羅婦座中衆人皆見腹中女叉手聽經如照鏡無有異佛持八種聲問腹中女言汝叉手聽經以何故耳女用佛威神即答佛言以世間人皆行十惡欲令行十善是故叉手聽經又以

世間人貪婬瞋恚愚癡生死不絕是故叉手
聽經復用世間人不孝順父母不供養沙門
婆羅門道人是故叉手聽經時女說是語竟
便生譬如太子從右脅生地爲六反震動虛
空中有無央數天自然有音樂聲雨天衆華
有自然千葉蓮華大如車輪以寶作莖狀如
青瑠璃女即坐蓮華上忉利天王釋持天衣
從虛空中來下與女言裸形可取此衣著之
女報言我不著此衣汝欲在校我耶汝爲羅
漢我爲菩薩汝非我輩不與我同類我自當
有衣來佛語拘翼此不爲在校菩薩身發心
爲菩薩自致得三十二相八十種好亦乃爲

在校菩薩耳舍利弗白佛言此女爲從何國
來當送衣也佛言此女從東有方佛刹來其
國名清淨去此十萬佛刹女從本刹來欲見
佛自當有持衣來者本國衣便自然在虛空
中來肅肅有聲女見衣來便著衣當得五通
又女本國人盡得五通女得衣著訖便從蓮
華上下行至佛前女一舉足地爲六反震動
便頭面著地爲佛作禮三言南無佛遶佛已
訖便長跪白佛今座中大有諸迦羅婦願佛
爲說經令得男子身佛言我亦不使汝作男
子亦不使汝作女人皆自從身行得佛言有
一事可疾得男子何等爲一發心爲菩薩道

是爲一事又女人身當內自觀譬如機關骨節相拄但筋皮上女人常畏人譬如鷄鼻虵蚺蝦蟇不敢晝日出常畏人譬如婢使常與惡露臭處俱雖是國王女猶復畏人女人衆惡亦復如是時座中迦羅婦七十五人聞佛說經歡喜踊躍前以頭面著地爲佛作禮白

佛言我願發菩薩心作男子我不得男子身終不起時七十五迦羅越從舍衛國來至佛所見諸婦皆在佛前便心念言失我曹婦已便問舍利弗此女人悉是我曹婦何爲是問舍利弗答言欲作比丘尼當聽不迦羅越答言若欲作比丘尼者先使我曹作比丘僧

舍利弗白佛言是七十五迦羅越皆欲作比丘佛呼善男子來皆作比丘頭髮自然墮袈裟便著身手持應器皆前爲佛作禮時七十五婦各脫珠環皆以散佛上便自然虛空中化作七十五交露珠瓔帳帳中有七寶牀牀上有坐佛邊有無央數菩薩聽經七十五婦人見是變化皆大歡喜即用佛威神飛住虛空虛空中自然有華而散佛上從虛空中來下便得男子身前白佛言我願作比丘佛語彌勒菩薩將去授戒彌勒菩薩即授戒作比丘僧女自然有化華蓋七重其莖如蓮華莖即持與母言佛是天上天下度人之師母以

華蓋上佛是天上天下之師蓋上之後母亦
當為天下之蓋女語母言今當發菩薩心母
荅女言我始懷汝時於夢中常見佛及法比
丘僧無復貪婬瞋恚愚癡心身體安隱知我
腹中子為是菩薩摩訶薩以是令我安隱尔
時發菩薩心以母得華蓋便持上佛地為六
反震動佛語舍利弗四天下星宿尚可知數
是女前後所度父母不可知數女言一切人
謂我是女當作至誠行便化作如八歲沙弥
身當佛說經及女變化時無央數人皆發無
上正真道意佛說經竟皆大歡喜

腹中女聽經

憤子等
四經

毀

犢子經

犢

音讀

邠

反布

自

擊

牛

下古

候

反

擊

反

擊

反上

乳

音下

也祭

倩

假工

也淨

反

捫

摸

胡上

反音

以門

下音

摩

莫又

忙

乳

音下

也祭

凍

也乳

差

者

疾上

安瘡

字

牛

先

下音

去

乳光佛經

犛

牛音

也字

母

犛

角

二同

音

底

塹

音上

焰

反

道

徑

經下

亨

去

羞

慚

修上

音

腥

臭音

星

一

躡

反徒

谷

牝

突

前上

下同

反徒

骨

償

報音

也常

號

曰

上音

完

一戶

官

反

全

也

無垢賢女經

毀

捍

樓

上

正

作

探

亦去

聲

僥

倖

下上

音

堯

反

熙

反

熙

怡

下上

許

之

反

乎

一芳

無

反

輟

止

也

反

竦

音

息

勇

反

蚯蚓

上正

作蚯

二

脇脅

二虛

形

裸形

反上

又胡瓦

果反赤
體也

可

惡

故下

反為

賀

莫

候

反

達

親

近下

反初

腹中女聽經

鷄臬

上正
亮反古

蚘蚘

許下

正作

虺

反

蝦

蟆

遐二

字

音

